

Broj:01-05-2/19

Datum: 07.01.2019.godine

I N F O R M A C I J A
o postavljenim vijećničkim pitanjima
i odgovorima na vijećnička pitanja u 2018.godini

Vijećnička pitanja podrazumijevaju korespondirajuća prava i obaveze aktera parlamentarnog života. S jedne strane, pravo je članova Općinskog vijeća da usmenim ili pismenim putem postavljaju pitanja i traže odgovore na njih o radu izvršne vlasti i uprave. S druge strane, obaveza je nosilaca izvršne vlasti i drugih relevantnih institucija da na istom zasjedanju odnosno sjednici Općinskog vijeća ili narednom zasjedanju daju usmene ili dostave pismene odgovore. O odgovorima na postavljena pitanja ne može se voditi rasprava ili polemika. Može se tražiti samo dopuna odgovora ili preciznije navođenje podataka, konstatacija i sl.

Oblast vijećničkih pitanja u Općinskom vijeću Gornji Vakuf-Uskoplje uređena je odredbama (Čl. 155. – 161.) Poslovnika o radu Općinskog vijeća Gornji vakuf-Uskoplje («Službeni glasnik općine Gornji Vakuf-Uskoplje», broj 7/13) a ona se odnosi na slijedeće:

- Vijećnici imaju pravo postavljati vijećnička pitanja Općinskom načelniku i bilo kojoj općinskoj službi i institucijama koje vrše javna ovlaštenja iz općinske nadležnosti;
- Vijećnička pitanja se odnose na informacije, činjenice, situacije ili saznanja o radu iz djelokruga Općinskog načelnika i općinske uprave te ostalih nosilaca javno-pravnih ovlaštenja iz općinske nadležnosti;
- Na sjednici Vijeća se može (u pravilu) na početku sjednice izdvojiti najduže do 60 minuta za vijećnička pitanja (vrijeme pitanja), kojem obavezno prisustvuje Općinski načelnik i rukovodioci općinskih službi;
- Jedan vijećnik može na jednoj sjednici postaviti najviše četiri vijećnička pitanja;
- Odgovori na vijećnička pitanja mogu se davati usmeno ili u pisanoj formi;
- Vijećničko pitanje se postavlja usmeno ili podnosi predsjedavajućem u pisanoj formi, a on ga prosljeđuje Općinskom načelniku ili subjektu kojem je upućeno;
- Vijećnik koji postavlja pitanje u pisanoj formi u podnesku treba navesti da li traži usmeni odgovor na sjednici Vijeća ili odgovor u pisanoj formi;
- Kada vijećnik traži usmeni odgovor, podnesak treba biti kratak i jasan i sa jednim pitanjem, odnosno precizno usmeno izneseno pitanje;
- Obrazloženje pitanja daje se tako što vijećnik postavlja pitanja u vremenu od tri minute, nakon čega se daje usmeni odgovor od strane Općinskog načelnika ili drugog ovlaštenog lica;
- Ukoliko vijećnik nije zadovoljan odgovorom, može postaviti novo pitanje u vremenu od dvije minute, nakon čega se daje novi odgovor;
- Nakon drugog odgovora predsjedavajući zaključuje razmatranje tog pitanja;
- Iz opravdanih razloga Općinski načelnik ili drugo ovlašteno lice mogu zatražiti da se davanje odgovora po određenom pitanju odgodi za narednu sjednicu Vijeća;
- Pitanja na koja se traži odgovor u pisanoj formi u pravilu su ona pitanja koja nisu pogodna za jednostavno usmeno objašnjenje (ali ona, kao ni odgovor na njih, ne bi trebala prekoračiti jedan standardni list papira A-4 formata);
- Odgovor, u pisanoj formi u pravilu, dostavlja se predsjedavajućem u roku od 15 dana, a taj rok ne može biti duži od 30 dana;

- Predsjedavajući dostavlja odgovor vijećniku na prvoj narednoj sjednici Vijeća.

Vijećnička pitanja postavljena u 2018.godini

✓ 9.sjednica

Kadir Kičin - SDP BiH

1. Tražim da mi dostavite izvještaje o radu , uključujući finansijske izvještaje (godišnje izvještaje) za privredno društvo „ Regionalni centar za upravljanje otpadom“d.o.o .Gornji Vakuf-Uskoplje, za period od dana osnivanja do danas, te da nam dostavite Ugovor o osnivanju pomenutog društva, kao i imena članova Skupštine i Nadzornog odbora.
2. Zašto se nije izradila Strategija razvoja Općine Gornji Vakuf-Uskoplje !?
3. Da li je moguće očekivati da Općina Gornji Vakuf-Uskoplje ima izrađenu Strategiju za mlade u narednoj godini ?

Marin Novaković - Hrvatska lista

1. Svjedoci smo da je u zadnje vrijeme porastao broj krivičnih djela, tj. provala u obiteljske kuće, posebice u one u kojima se trenutno ne stanuje.
Što policijska stanica Gornji Vakuf-Uskoplje poduzima po ovom pitanju, koliko je rasvijetljeno slučajeva provala i koliko je uhićeno osoba ?

✓ 10.sjednica

Šeherzada Dedić - Nezavisni vijećnik

1. Dokle se stiglo sa realizacijom gradskog groblja ? Šta je inspekcija ili policija uradila nakon rušenja natpisa istog ?
2. Ko je nadležan i šta je učinjeno na pronalasku počinioca trovanja pasa na našoj općini i šta se radi po tom pitanju ?
3. Ponavljam pitanje koje sam postavila i prošle godine
Šta je sa Bistama boraca iz NOR-a 1941-1945 koje su nestale ispred Centra za obrazovanje i kulturu ?
4. Šta se čini ili čini li se išta na sanaciji PARTIZANSKOG GROBLJA ?
Ovo pitanje postavljam ispred ANTIFAŠISTA – Gornjeg Vakufa.

Marinko Krajina - Hrvatska Lista

1. Obzirom da je 28.12.2017.godine istekao rok za dostavu ponuda za izvedbu projekta Rekonstrukcije vodovodne , kanalizacijske mreže Gradska ulica i u užem urbanom dijelu. U kojoj je fazi provođenje Tendera i kad se može očekivati potpisivanje Ugovora i početak izvođenja radova ?

Muris Pidro - SDA

1. Da li je Ministarstvo poljoprivrede , vodoprivrede i šumarstva vršilo ikakvu kontrolu nad poticajima koje su dijelile na poljoprivredne proizvode, tačnije maline ?
2. Zašto se Ministarstvo poljoprivrede, vodoprivrede i šumarstva oglušilo na pitanje vijećnika Manjgo Ramiz, kad je pitao zašto svi proizvođači nisu dobili poticaj, a ne samo oni koji su imali preko 1000 kg. Akt br: 02-24-672/17 ?
3. Zašto Ministarstvo poljoprivrede, vodoprivrede i šumarstva ne dijeli svima proizvođačima poticaj za maline i tako bi izbjegli zloupotrebe pri dodjeli poticaja ? (Svi oni koji su dobili preko 300 KM na našoj općini su sumnjivi).
4. Da li Odjel za službu poljoprivrede općine Gornji Vakuf-Uskoplje vrši ikakvu provjeru dokumentacije koju donese poljoprivredni proizvođači i zašto se ne kontrolišu ti isti ?

Karamustafić Naser - SDP

1. Ko je kriv i čija je nadležnost za svirepa ubistva (trovanje) pasa lotalica , i šta je Općina učinila za zbrinjavanje pasa lotalica ?
2. Da li Općinska izborna komisija ima namjeru pročititi biračke spiskove od umrlih osoba i osoba koje su odjavile prebivalište iz općine Gornji Vakuf-Uskoplje ?
3. Da li će doći do rekonstrukcije Gradske ulice do ulaska BiH u EU ?
4. Da li Općina Gornji Vakuf-Uskoplje ima strategiju o sprečavanju odlaska ljudi u Općini Gornji Vakuf-Uskoplje (mladi visoko obrazovanih , radno sposobnih i razočaranih) u sistem i trenutnu vlast ?

Manjgo Ramiz - SDA

1. Da li je registrovana linija u 8,30 h Voljevac - Gornji Vakuf -Uskoplje , ako jeste zašto nije u prometu u koje vrijeme su registrovane linije gore navedenom pravcu ?

✓ **11.sjednica**

Naser Karamustafić -SDP

1. Da li Općinska izborna komisija ima namjeru pročititi biračke spiskove od umrlih osoba i osoba koje su odjavile prebivalište iz općine Gornji Vakuf-Uskoplje ?
2. Da li Općina Gornji Vakuf-Uskoplje ima strategiju o sprečavanju odlaska ljudi u Općini Gornji Vakuf-Uskoplje (mladi visoko obrazovanih , radno sposobnih i razočaranih) u sistem i trenutnu vlast ?
3. Zašto nije postavljen trokosti ležeći policajac u ul.Vrbaska kod Vatrogasnog doma ?
4. Da li Načelnik općine i vlast u vijeću koju čine (SDA,HDZ,SBB) smatraju da bi trebali riješiti zahtjev demobilisanih boraca o ukidanju finansiranja boračkih udruga iz budžeta Općine Gornji Vakuf-Uskoplje ?

Goran Batinić-HL

1. Koje konkretne radnje kao prevenciju poduzima policijska postaja Gornji Vakuf-Uskoplje kad su u pitanju kaznena djela teških krađa, koliko je djela u zadnjih godinu dana rasvijetljeno, koliko je počinitelja pronađeno i da li su u stanju svojim resursima kontrolirati stanje na području naše Općine ili nam je potrebna pomoć ?

Dedić Šeherzada -nezavisna vijećnica

1. Na zahtjev stanara zgrade uz sportsku dvoranu postavlja se pitanje načelniku i direktoru Centra za obrazovanje, kulturu i sport: "Što su uradili po pitanju dimnjaka na sportskoj dvorani?" Dimnjak koji je sada u funkciji predstavlja ogroman problem stanarima koji žive na višim katovima i utječe na njihovo zdravlje.
2. Na moje pitanje što je sa Bistama boraca iz proteklog NOR-a nisam dobila nikakav odgovor i postavljam ponovo isto pitanje ?

KLUB-SDP (Naser Karamustafić)

1. Iz kojeg izvora sredstava Načelnik i vlast u Općinskom vijeću (SDA,SBB,HDZ) bi trebali početi najavljenju rekonstrukciju gradske ulice, kad nam je svima poznato da Općina nije dobila sredstva od viših nivoa vlasti, niti kredit od komercijalnih banaka za izgradnju iste?
2. Mještani MZ Centar 1 pitaju zašto općinska nadležna služba nije postavila rasvjetna tijela u ulici „Preporodova“ bb, jer poražavajuća je činjenica da se ulica nalazi u samom centru grada, 30 m od Centralne džamije, a da nema gradsku rasvjetu ?
3. Kada će doći do rekonstrukcije ulice „Šehitluci“ koja se nalazi kod Gornje džamije ?

✓ 12.sjednica

Naser Karamustafić – SDP

1. Zašto općinske službe, dok Sud ne donese svoju konačnu odluku u određenim predmetima, donose svoje Zaključke, da se time udovolji samo jednoj strani, vezano za zgradu „Komiteta“, preko puta Doma zdravlja, a i u nekim drugim predmetima.

Kadir Kičin-SDP

1. Kada je planirano asfaltiranje dionice puta od sela Seferovići do lokalnog puta Voljevac-Mačkara?
2. Šta Općina planira sa stalnim odronjavanjem tla na lokaciji Potrlica u MZ Dobrošin, odnosno između kuće pokojnog Češljara i kuće Nikice Eleza? Da li je ikako moguće da se ugradi zaštitna mreža?
3. Da li Općina planira izdvajanje novca iz budžeta općine za sufinansiranje poljoprivrednih proizvođača jagodičastog voća (malina) u slučaju niskih cijena u toku 2018.godine?

Maid Gafić-SDA

1. U ulici Vrbaska, općina Gornji Vakuf-Uskoplje svjedoci smo jako brze vožnje posebno u večernjim satima. Da li postoji mogućnost da se postavi stacionarni radar na potezu od Vatrogasnog doma do benzinske pumpe „ESSO-PETROL“?
2. U blizini magistralnog puta nalazi se „O.Š.Gornji Vakuf“, te na samoj saobraćajnici nemamo nikakvu signalizaciju da se u blizini nalazi O.Š. Zašto nemamo neki vid signalizacije kako bi učesnici u saobraćaju bili upozoreni da se u blizini nalazi Osnovna škola?

Ivica Žuljević-Hrvatska lista

1. Da li su Načelnik i Općinske službe poduzeli ikakve aktivnosti prema JP „Šume SB“ prema zahtjevu MZ Ždrimci koji je predat na protokol 18.04.2018.godine(zahhtjev za saniranje štete)?
2. Je li u skorije vrijeme planirano asfaltiranje makadamskog puta Komarci-Gaj?
3. Da li načelnik i općinske službe znaju za postavljanje ležećeg policajca na putu Grad-Ždrimci (raskrsnica Vrse-Ždrimci) i ako da, koja je svrha postavljanja istog koji ujedno nije označen ni prometnim znakom, niti je iscrtan?
4. Kada je planirano krpljenje udarnih rupa u MZ Ždrimci?

✓ 13.sjdnica

Ivo Posavac -HL

1. Da li policija šta poduzima po pitanju nepropisno parkiranih motornih vozila na raskrižju ulica S.S. Kranjčevića i Kralja Tomislava , gdje imamo izvučenu horiz. signalizaciju tj. parking mjesta paralelno uz kolnik radi nedovoljne širine istoga, a gdje se uporno parkira kako tko hoće, te kao tako parkirani smanjuju kutove preglednosti drugim sudionicama u prometu? Ovdje smo već imali dvije prometne nezgode a policija sve nijemo promatra.
2. Apeliramo Općinskom načelniku i Općinskom vijeću da opremimo jedno od naših komunalnih poduzeća potrebnom mehanizacijom da može vršiti krpanje udarnih rupa na gradskim ulicama.

Kadir Kičin -SDP BiH

1. Molim da nam se dostave imena i prezimena pripadnika (članova) svih komisija u Općini Gornji Vakuf-Uskoplje.
2. Po uviđaju na Budžet za 2016., 2017. i tekuću 2018.godinu, Općina izdvaja 50.000 KM međutim ni u jednoj godini nije utrošeno planirano izdvajanje u poljoprivrednu proizvodnju. Predlažem da se u narednom periodu taj novac utroši u izgradnju hladnjače koju bi koristili naši poljoprivredni potrošači !
3. Koji ležeći policajci imaju građevinsku dozvolu na dionici puta Karamustafići-Dobrošić-Boljkovac-Voljevac- Pridvorci ?

✓ **14.sjdnica**

Kadir Kičin - SDP BiH

1. Primijetio sam da su u nekim dijelovima Općine Gornji Vakuf-Uskoplje postavljene "kućice" (natkriveni objekti) na autobuskim stajalištima. Kada su, i da li su, planirane iste u MZ Voljevac, MZ Bistrica i MZ Vrse, kao i u ostalim dijelovima Općine ?
2. Zbog sigurnosti vozača, ali i pješaka, interesuje me da li je moguće da se obezbijedi bolji pregled na saobraćaj kod prvog mostića u Potrlici prema naseljenim mjestima Dobrošić, Boljkovac i sl. ?
Ovakvih problema imamo i u MZ Voljice, MZ Bistrica kao i u MZ Voljevac (uglavnom gdje je suženje puta sa dvije strane).
3. U ime većine sugrađana MZ Voljevac u mjestu Voljevac prenosim molbu i upitnik koji glasi: Da li Načelnik, može da obezbijedi sredstva iz Budžeta Općine za izgradnju vira/kupališta na mjestu "starog vira" iznad MHE Voljevac kod Džamije ?
4. Da li možemo ulicu od OŠ „Gornji Vakuf“ do zgrade komunalnog, možemo preurediti u dvosmjernu ulicu zbog nedostatka parking mjesta tokom srijede odnosno pijace ?

Manjgo Ramiz - SDA

1. Služba za stambeno-komunalne poslove i lokalni razvoj :
Šta se može učiniti po pitanju izlivanja đubriva na lokalnom putu Dobrošić- Boljkovac ?

Muris Pidro - SDA

1. Zašto službenica matičnog ureda ne pita stranku na kojem će jeziku izdati traženi dokument ?

Sabahudin Puljarga - SBB

1. U vremenu izlaska radnika sa posla (15⁰⁰ -15³⁰) iz pravca industrijske zone na semaforu se formira kolona vozila duga nekoliko stotina metara.
Da li policijska stanica može postaviti saobraćajnog policajca na raskrsnicu gdje je semafor u tom terminu, kako bi se smanjila kolona ?

✓ **15.sjednica**

Šeherzada Dedić - nezavisna vijećnica

1. Na jednoj od prethodnih sjednica postavila sam pitanje o dimnjaku na Sportskoj dvorani. Pismenim putem mi je odgovoreno da će se dogradnja dimnjaka biti urađena do grijne sezone. Međutim ništa nije urađeno. Kada se planira, a zima je već?
2. Ima li se u planu praviti igralište na Odvodama uz zgrade ?

Kadir Kičin - SDP BiH

1. Svjesni smo katastrofe u svim granama poljoprivrede. Stočarstva i uzgoj biljnih kultura, kao finansijska egzistencija naših sugrađana, je na rubu propasti. Gospodine načelnice,

koja je strategija naše Općine za naše uzgajivače jagodičastog voća, za uzgajivače kupusa, za naše stočare u 2019. godini ?

2. Da li je, i kada je planirano postavljanje ulične rasvjete u MZ Voljevac - Zastinje ?
3. Tražim postavljanje ležećeg policajca kod "Best-a", odnosno kod MSS "Gornji Vakuf" i MSS "Uskoplje". Poslati inicijativu Kantonu i nadležnim za održavanje magistralnog puta !

Marinko Krajina - HL

1. Roditelji djece koja pohađaju područnu školu na Trnovači apeliraju na policijsku stanicu Gornji Vakuf-Uskoplje da osiguraju policijsku patrolu, kod škole na Trnovači, na početku i završetku nastave i za vrijeme velikog odmora.
2. Mještani MZ Pajić Polje se susreću sa velikim problemom pasa lualica. Nedavno smo bili svjedoci da su u naselju Donja Ričica nanijeli veliku štetu peradarima. Na Humcu na lokalitetu rudnika Gračanica je veliki broj napuštenih pasa, čiji se broj svakodnevno povećava. Mještani se boje za svoju sigurnost i zdravlje te apeluju na rješenje ovoga problema.

Merhila Čaušević - SDA

1. Da li je podatak o državi rođenja, odnosno nacionalnosti obavezujući prilikom izdavanja rodnog lista? Upućeno matičnom uredu.
2. Zbog učestalosti saobraćajnih nezgoda, osjećam obavezu da postavim pitanje o signalizaciji vezanoj za đake (srednja škola). Ko je obavezan uraditi signalizaciju (ograničenje brzine, znak-blizina škole)? Ulica Vrbaska (stanica-srednja škola, te Best-srednja škola).

VIJEĆNIČKA PITANJA 2018.GODINE

Red. Br.	VIJEĆNIK	Ukupan broj postavlj. vj. pitanja	Dobio odgovor na vj. Pitanje		Zadovoljan odgovorom			Nije dobio odgovor na vj. pitanje
			Pism. / usm.	Da	djel.	ne		
1.	Idrizović Dževad	0	0	0	0	0	0	0
2.	Ramić Adnan	0	0	0	0	0	0	0
3.	Manjgo Ramiz	2	1	0	1	0	0	1
4.	Pokvić Amra	0	0	0	0	0	0	0
5.	Petrović Haris	0	0	0	0	0	0	0
6.	Čaušević Merhila	2	2	0	2	0	0	0
7.	Gafić Maid	2	2	0	2	0	0	0
8.	Hadžiahmetović D.	0	0	0	0	0	0	0
9.	Spahić-Demirović A. Musa Derviš	0	0	0	0	0	0	0
10.	Pidro Muris	4	4	0	4	0	0	0
11.	Josip Herceg/HL	0	0	0	0	0	0	0
12.	Ana Novaković	0	0	0	0	0	0	0
13.	Goran Batinić	1	1	0	1	0	0	0
14.	Marinko Krajina	3	2	1	3	0	0	0

15.	Marin Novaković	1	1	0	1	0	0	0
16.	Ivo Posavac	2	1	0	1	0	0	1
17.	Berislav Elez	0	0	0	0	0	0	0
18.	Ivica Žuljević	4	4	0	3	0	1	0
19.	Danijela Jurina	0	0	0	0	0	0	0
20.	Karamustafić Naser/Klub SDP	12	9	0	8	0	1	3
21.	Kičin Kadir	16	13	0	8	0	5	3
22.	Puljarga Sabahudin	1	1	0	1	0	0	0
23.	Dedić Šeherzada	8	7	0	5	0	2	1

Predsjednik
Općinskog vijeća
Goran Batinić, mag.nov.